

天命之謂性也人心機變測造化之功
定行天道无差失也

天發殺機龍蛇起陸

三陽之月陰陽交泰水火相賊乃天發殺
機有雷霆風雨振動龍蛇出勢萬彙發生

見生殺之權備矣

人發殺機天地反覆

凡人心不可動動則吉凶悔吝生焉天地

非反覆天者聖人也地者臣道也反覆者

順逆也六順六逆不常則乃為之反覆聖

人不動心則順天之命小人逆行機則不

盡天數矣

天人合發萬變定機

聖人合天道機衡當无差變乃定其心機

是故守一

性有巧拙可以伏藏

夫人巧拙之性坎離之象巧則既濟拙則

未濟故伏藏於丹田丹田者精炁之元也

九竅之邪在乎三要可以動靜

人身之九竅也心正則九邪不能入三要

者陽之正數也三三如九陽炁足則動靜
无奸邪可入

火生於木禍發必剋奸生於國時動必瀆知

之修鍊謂之聖人

火生於木陽炁之威則戒之在闕戒之在

愆勿令奸賊生焉君子修身鍊行然後治

國安民聖賢之人也

演法篇第二

天地萬物之盜萬物人之盜人萬物之盜三

盜既備三才既安故曰食其時百骸治動其

機萬化安

三生萬物含正陽之炁一炁盜受七日來

復乃三才得一而備人既盜萬物之始日

用而不知知之者長生形骸无變萬化自

安也

人知其神不知其不神所以神也

人之有三萬六千神光故多慾則耗竭精

神故不神也易曰陰陽不測之為神抱一

存神所以神也

日月有數小大有定聖功生焉神明出焉

日則火之精晝夜行一度月則水之精晝

夜行一十二度半是故君子盜水火之數

小大運動乃有殊聖之功也神光出焉

其盜機也天下莫能見莫能知君子得之固

躬小人得之輕命

故賊盜天機造化運動愚者莫能見莫能

知君子得之歸真小人逆之亡命

演術篇第三

瞽者善聽聵者善視絕利一源用師十倍

瞽聵善聽視則絕利根源人能專一心而

中道不廢十倍之功不可及也

三運晝夜用師萬倍

君子專心反覆晝夜三陽之時行用不闕

乃過師之功萬倍也

心生於物死於物機在目

心既反而目不外視生死絕念乃忘其機

也

天之无恩而大恩生

天之不言日月无私人能盜師精華得不

死之術恩无極則是大恩生也

迅雷烈風莫不蠢然

專一志而怒乎不拔故蠢然而不動也

至樂性餘至靜則廉

性和則包荒有餘心清則萬化平廉

天之至私用之至公

天垂象人能盜而行之至私也天之造化

无偏无黨乃至公也

禽之制在炁生者死之報死者生之報

人因炁而生因炁而死萬物因地而生因

地而死人若能擒制得天地正炁乃長生

不死之根也禽者擒縱也

恩生於害害生於恩

萬物春生夏長恩也秋殺冬藏害也人因

婦人而生乃恩也因婦人死是害也

愚人以天地文理聖我以時物文理哲

天文地理也天時地利也象天體制者聖

順時變動者哲愚者不能察天時人事若

能合天地化育與時設教乃聖人賢哲也

道者靜之本動者天之機動則能其變變
則察其象故造化動靜陰陽相推是以合
天運數不可差或太官曰夜則則陰蓋則
別陽乃聖人通達玄理因帶性命磨機不

幸至論元第令誤共
法人事者宜不違哉

黃帝陰符經注
同九

正一天師清微弟子 洪百堅 製作

道教學術資訊網站

黃帝陰符經注

卷

氏

注

上篇

觀天之道執天之行盡矣

道分而為天地天地分而為萬物萬物之

中人為最靈本與天地同體然人所受於

天地有純雜不同故必觀天之道執天之

行則道在我矣言天而不言地者地在其

中也

天有五賊見之者昌五賊在心施行于天字

宙在手千萬化生乎身

五賊五行也天下之善由此五者而生而

惡亦由此五者而有故即其反而言之曰

五賊五賊雖天地之所有然造天地者亦

此五者也降而在人則此心是也能識其

所以然則可以施行于天地而造化在我

矣故曰見之者昌

天性人也人心機也立天之道以定人也

天地之所以為性者寂然至无不可得而

見也人心之所稟即天地之性故曰天性

同九